



Jumat, 01 Desember 2023
Ogen: Ulangan 28:58-59



“Pinakit Si Banci Langket ”



Tanggal 01 Desember e me wari HIV/AIDS si iperingeti secara internasional. Tema tahun enda i bas mperingeti hari AIDS se doni e me "Solidaritas Global, Tanggung Jawab Bersama." Bage me teptep kalak ikut ertanggung jawab lako njagai dirina, njagai keluarga bage pe njagai kalak sideban. Arah kita njagai kerinana kita pe ikut ngurangi beban; subuk arah kalak si terpapar virus HIV bage pe ODHA (Orang Dengan HIV-AIDS) ras keluarga. I bas kita njagai diri tentuna kita nggo ikut lako memutus mata rantai penularen virus e. Mbelin kel beban bage pe tanggung jawab kalak si terpapar virus e; la hanya erbage-bage pinakit si mesukah engkenai ia tapi pe beban moral, erkiteken kalak si kena virus e pasti ipedah.

Menurut juru bicara Kementerian Kesehatan Indonesia dr. Muhammad Syahril, ngataken maka tahun 2023 kasus kalak si terpapar virus HIV i Indonesia meningkat. Janah data si mengejutkan maka hampir kasus si muncul i dominasi ibu rumah tangga, si tertular arah pasangan. Pasangan si la setia nandangi pasangenna berdampak kel guna ngelangketi pasangenna. Janah pasangan e banci ka ngelangketi ku keturunenna. Tentuna arah data enda perlu jadi perhatinta guna lebih peduli ras kepate nandangi sekelewetta. Pemutusan mata rantai penularen virus e jadi tanggung jawabta ras-ras.

Ulangen 28:58-59 ningetken maka: kalak si la ngikutken pengajaren Dibata (la setia nandangi pasangenna) ras pe la mpehaga gelar Dibata ibereken man bana radu ras sinursurna pinakit si la banci malem (AIDS) ras pe pinakit e banci ngelangketi. Pedah Dibata enda mpersingeti kita guna enggeluh alu payo dinggen benar i adep-adepen Dibata, nggeluh setia nandangi pasangan. Kesetiaan nandangi pasangan e sada hal si perlu kel guna idalanken gelah jabuta rikut pe ras keluargata pulah arah pinakit si banci langket.